



U okviru projekta *Napredna implementacija Akta o malom biznisu BiH2EU*, Agencija za razvoj preduzeća – Eda, Banja Luka, raspisuje:

## JAVNI POZIV

### za dostavljanje koncepata projektnih prijedloga za podršku energetske tranziciji malih i srednjih preduzeća u Bosni i Hercegovini

#### 1. Predmet i cilj poziva

Predmet Javnog poziva je dodjela bespovratnih finansijskih sredstava (granta) iz Mehanizama za podršku implementaciji strategija razvoja malih i srednjih preduzeća (SIEM) u okviru projekta *Napredna implementacija Akta o malom biznisu BiH2EU* (Projekat). Projekat je finansiran od strane Švedske, posredstvom Švedske agencija za međunarodni razvoj i saradnju (Sida).

Cilj Javnog poziva je podržati/ubrzati energetske tranzicije MSP u Bosni i Hercegovini u skladu sa sljedećim strateškim okvirima:

1. Strategija razvoja Federacija Bosne i Hercegovine 2021 – 2027;
2. Strategija razvoja malih i srednjih preduzeća u Republike Srpske 2021 – 2027;
3. Strategija razvoja Brčko distrikta Bosne i Hercegovine 2021 – 2027;
4. Evropski akt o malom biznisu (*Small Business Act for Europe*) (SBA for EU) i Indeks MSP politika (*SME Policy Index*).

#### 2. Prihvatljivi podnosioci prijave

Koncepte projektnih prijedloga mogu da dostave neprofitne organizacije registrovane u skladu sa domaćim propisima u organizacionom obliku udruženja građana ili fondacije.

#### 3. Raspoloživa sredstva, minimalni i maksimalni iznosi i namjena sredstava

Ukupan raspoloživi iznos bespovratnih finansijskih sredstava za Javni poziv je 150.000,00 KM.

Minimalan iznos bespovratnih finansijskih sredstava koja mogu biti odobrena za pojedinačni projekat je 90.000,00 KM, a maksimalni iznos je 150.000,00 KM.

**Izbor korisnika bespovratnih sredstava će biti vršen do ukupno raspoloživog iznosa finansijskih sredstava za Javni poziv.**

**Sredstva mogu biti korišćena za realizaciju projekata koji doprinose energetske tranziciji MSP u Bosni i Hercegovini.**

#### 4. Sufinansiranje

Podnosioci prijave su obavezni predvidjeti sufinansiranje predloženih aktivnosti (bilo iz sopstvenih sredstava, bilo iz sredstava drugih donatora ili korisnika usluga i sl.) i to u iznosu od najmanje 10% predviđenih ukupnih troškova projekta.

## **5. Ocjena prijava**

Sve predložene prijave biće ocijenjene na osnovu formalnih uslova i kriterijuma koji se odnose na:

- Kompletnost prijave,
- Prihvatljivost podnosioca prijave,
- Prihvatljivost projektnih intervencija za koje se zahtijeva dodjela bespovratnih sredstava,
- Kvalitet predloženog koncepta/projektnog prijedloga.

Samo podnosioci prijava čiji koncepti projektnih prijedloga zadovolje navedene formalne uslove i kriterijume ocjenjivanja, biće pozvani da podnesu kompletne prijedloge projekata za dalju evaluaciju.

## **6. Podnošenje konceptata projektnih prijedloga**

Prijave za dodjelu bespovratnih finansijskih sredstava podnose se na propisanoj formi (Prilog I – Aplikaciona forma), u skladu sa navedenim u Uputstvu za prijavu za sredstva iz Mehanizama za podršku implementaciji strategija razvoja malih i srednjih preduzeća (Uputstvo).

Uslovi za prijavu, detaljno pojašnjenje načina prijavljivanja, Uputstvo, kao i kompletni obrasci i potrebna dokumentacija dostupni su na linku <https://bit.ly/3wVQcfO>.

Prijave se dostavljaju u jednoj, zapečaćenoj koverti, preporučenom pošiljkom ili lično na adresu „Agencija za razvoj preduzeća – Eda“, Đure Jakšića 11, 78000 Banja Luka, sa sljedećom naznakom na koverti „Prijava za sredstva SIEM, ne otvarati prije sastanka Komisije“.

Prijavni obrasci se dostavljaju u originalu u štampanoj verziji (1 primjerak), te dvije kopije svakog obrasca.

Podnosioci prijava će na osnovu kontrolne liste koja se nalazi u aplikacionoj formi biti u mogućnosti da provjere da li je njihova prijava kompletna.

Dostavljene prijave se ne vraćaju.

**Krajnji rok za prijem prijava je 24.06.2022. godine, do 15<sup>00</sup> časova.**

Kao blagovremene prijave će se smatrati samo one prijave koje budu dostavljene Edi do gore navedenog roka. **Prijave moraju biti dostavljene do naznačenog dana i sata, bez obzira na to kada je prijava poslana, niti na koji način je poslana.**